



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXXVI. Kurfürst Johann beleihet Georg und Curt Löschebrandt mit dem von Georg und Thomas Quast erkauften Freihause zu Mittenwalde, am 11. November 1496.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXXV. Kurfürst Johann verleiht der von Neuem zur Hälfte abgebrannten Stadt Mittenwalde einen Erlaß an der Urbede und Induld wegen ihrer Schulden, am 11. November 1491.

Wir Johannis etc., Bekennen — Nachdem abermals vnser Statt Mittenwald die helfft, als wir warlich bericht, durch sewers not vonn vngeheicht aufzgebrannt vnd zu uerderb kommen ist; Dadurch wir als der landsforst vnd nicht vnbillich bewegt, damit die armen lewt die brandstetten widerumb bawen, zur narung mit gots hilf kommen vnd die gemelt vnser Statt furder in wirden vnd zur beuestigung bleyben mochten, Inen freyung etlich zeyt Jars fur vnns vndt annder, den sy pfleg sind zu geben, Geben darauff vnserm Rate daselbst vnser freyung vndt schirm die verbrannten fur Ir glauber vndt schuldiger vir Jar lanng nechst nach einander volgennde, Inn crafft dits briues, nemlich also, das der Rate der vrbette vndt annder zins, so sy Jerlich vnns vndt andern vom Rathaws auch die verbrannten andern Irer person halben Inn sunderheyt zu geben verpflichtet oder verschriben sein, Inn zeyt der vir Jarn auch gen Iren schuldigern vndt glewbner Irer schult halben gefreyet sein, doch sollen sy wes sie vonn newes wider handeln vndt borgenn, bezalung thun. Begernn darauff vonn allen vndt iglichen geistlichen vndt werantlichen Richtern, die hirmit erfucht vndt angelangt werden, den vnsern ernstlich beuelhennde, In bestimter zeyt vber die vnsern wie obberurt nicht zu richten noch Ir gut Inn verhaßt oder bekhomernus zu setzen, Sondern sy folicher vnser freyung genissen lassen vndt zu verschonen. Daran thun die vnsern vnser ganntze meynung vndt wollens gen andern Inn gut vndt gnaden erkennen, doch vorbehalten gen den verbrannten, damit vnser Statt Inn werden vndt wesentlichen baw mog gehalten werden, das sie ir vorschofs vndt tholon, wenn das vonn einem Rath eingefetzt wirt, neben andern burgern auch geben sollen. Zu urkunt etc., Actum auff martini Im XCten.

Nach dem Schurmärk. Lehnscopialbuche XXVII, 355.

XXXVI. Kurfürst Johann beleiht Georg und Curt Löschebrandt mit dem von Georg und Thomas Quast erkaufften Freyhause zu Mittenwalde, am 11. November 1496.

Wir Johannis etc., Bekennen —, das wir vnserm lieben getrewen Gorigen vndt Curt Ieschebrandt gebruderen vndt iren leibs lehenns erben das freyhus, In der borchstrassen vnser Stat mitenwald gelegen, so sie von vnserm Rath vndt lieben getrewen Jorigen vndt thomas quasten gebrudern erblich erkawft, das auch Jorig von sein vndt seins Bruderen wegen vor vnsern Retten wie Recht verlassen mit seiner freyhait, wie es die quastenn besessen, zcu Rechten manlehen vndt gefampter hanndt genediglichen gelihen haben, vndt wir leihen Im follich freyhufz mit seiner freyhait etc. — Datum Collen an der Sprew, am tag Martini XCVI.

Nach dem Schurmärk. Lehnscopialbuche XXVII, 195.